

"Салықтар және бюджетке басқа да міндетті төлемдер бойынша әкімшілік ережелер туралы" N 43 Нұсқауға өзгерістер мен толықтырулар енгізу туралы

Күшін жойған

Бекітілді Қазақстан Республикасының Мемлекеттік кіріс министрлігінің 1999 жылғы 4 тамыздағы N 929 бұйрығымен. Қазақстан Республикасы Әділет министрлігінде 1999 жылғы 13 қыркүйекте тіркелді. Тіркеу N 889. Күші жойылды - ҚР Мемлекеттік кіріс министрінің 2002 жылғы 9 сәуірдегі N 416 бұйрығымен.

-----Бұйрықтан үзінді----- Мемлекеттік кіріс министрінің 2002 жылғы 9 сәуірдегі N 416 бұйрығы

"Салық және бюджетке төленетін басқа да міндетті төлемдер туралы" Қазақстан Республикасының K010209_ Кодексін (Салық Кодексін) қолданысқа енгізу туралы" Қазақстан Республикасының 2001 жылғы 12 шілдедегі Заңына с ә й к е с

Б Ұ Й Ы Р А М Ы Н :

Күшін жоғалтқан жекелеген бұйрықтарының тізбесі:

43. "Салық және бюджетке төленетін басқа да міндетті төлемдер жөніндегі әкімшілік ережелер туралы" N 43 Нұсқаулығына өзгерістер мен толықтырулар енгізу туралы" Қазақстан Республикасы Мемлекеттік кіріс министрлігінің 1999 жылғы 4 тамыздағы N 929 V990889_ бұйрығы. -----

- - - - -

Б ү к і л м ә т і н б о й ы н ш а :

"Салық және бюджетке басқа да міндетті төлемдер туралы" "Қазақстан Республикасы Президентінің Заң күші бар Жарлығы" деген сөздер "Салық және бюджетке басқа да міндетті төлемдер туралы" Қазақстан Республикасының Заңы " деген сөздермен ауыстырылсын;

"Жарлық", "Жарлықтың", "Жарлықпен", "Жарлықта", "Жарлыққа" деген сөздер тиісінше "Заң", "Заңның", "Заңмен", "Заңда", "Заңға" деген сөздермен а у ы с т ы р ы л с ы н

І І І б ө л і м д е :

2-тармақта "Салық комитетінің органдары" деген сөздер "Салық органдары" деген сөздермен ауыстырылсын;

І Ү б ө л і м д е :

1 тармақтағы екінші, үшінші және төртінші абзацтар мынадай редакцияда жазылсын:

"Жеке меншігінде немесе жер пайдалану құқығында жер учаскелері бар шаруа (фермерлік) қожалықтары бірыңғай жер салығын төлеушілер болып табылады.

Олар үшін жер ауыл шаруашылық өнімін өндірудің негізгі құралы болып табылатын немесе қызметі ауыл шаруашылық өнімін өндіру үшін жер пайдаланумен байланысты, сондай-ақ өз өндірісінің ауыл шаруашылық өнімін қайта өңдейтін заңды тұлғалар салықтарды патент негізінде, Қазақстан Республикасының Мемлекеттік кіріс министрлігі Қазақстан Республикасының Қаржы министрлігімен келісім бойынша белгілейтін тәртіп бойынша төлей алады.

Патент құнын есептеу кезінде бюджетке төлеуге жататын салықтар сомасы олар үшін жер ауыл шаруашылық өнімін өндірудің негізгі құралы болып табылатын немесе қызметі ауыл шаруашылық өнімін өндіру үшін жер пайдаланумен байланысты заңды тұлғалар үшін 80 процентке азайтылады.";

V бөлімде:

1 тармақта екінші абзац мынадай редакцияда жазылсын:

"Салық төлеушілерді салық есебіне тіркеу мен одан шығаруды Қазақстан Республикасының Мемлекеттік кіріс министрлігі белгілейді.";

4 - тармақта:

"Аумақтық салық органы" деген сөздер "аумақтық салық органы" деген сөздермен ауыстырылсын.

"Басқа салық төлеушілер" деген сөздерден кейін ", сондай-ақ тұрақты мекеме құрмай Қазақстан Республикасы аумағында кәсіпкерлік қызметті жүзеге асыратын резидент емес заңды тұлғалар" деген сөздермен толықтырылсын;

VIII бөлімде:

2 - тармақта:

"Салық төлеуші мыналарға міндетті:" деген сөздерден кейін мынадай мазмұндағы абзацпен толықтырылсын:

"- салық есебі бойынша құжаттарды Қазақстан Республикасы Мемлекеттік кіріс министрлігінің актілеріне сәйкес жүргізуге. Салық есебі тек салық салу мақсатында ғана жүргізіледі және бухгалтерлік есептің алғашқы құжаттары мен тіркелімдерінің деректеріне және (немесе) салық салуға жататын немесе салық салумен байланысты объектілер туралы құжатпен расталған өзге де деректерге негізделеді.

Салық төлеуші салық есебіндегі есеп айырысуды түзетуге бухгалтерлік жазба жасамайды;" ;

екінші абзац "ол біткенге дейін" деген сөздермен толықтырылсын;

төртінші абзац мынадай мазмұндағы екінші бөлікпен толықтырылсын:

"Осы ереже акциздеуге жататын өнімдерді сататындардан, сондай-ақ Астана, Алматы қалаларында және халқы 100000-нан астам облыстық маңызы бар қалаларда тұрақты орналастырылған үй-жайларда бөлшек сауданы жүзеге асыратындардан басқа, бекітілген жиынтық салықты патент негізінде төлей отырып қызметін жүзеге асыратын жеке тұлғаларға қолданылмайды.";

Х б ө л і м д е :

1 - т а р м а қ т а :

төртінші абзацта "құнды қағаздардың эмиссиясы" деген сөздерден кейін " және мемлекеттік тіркеуге жатпайтын акциялар эмиссиясының ұлттық бірегейлендіру нөмірін беру" деген сөздермен толықтырылсын; жетінші абзац мынадай редакцияда жазылсын:

роялти бойынша - есепті кезеңнен кейінгі айдың 10-ы күніне дейін. Егер тоқсан үшін орташа айлық төлемдер 1000 айлық есепті көрсеткіштен аз болатын болса, онда есепті кезең болып тоқсан табылады. Егер тоқсан үшін орташа айлық төлемдер 1000 айлық есепті көрсеткіштен артық болатын болса, онда есепті кезең болып ай табылады. " ;

мынадай мазмұндағы сегізінші және тоғызыншы абзацтар енгізілсін:

"- жаздырып алынатын бонус бойынша - есепті айдан кейінгі айдың 10-ы күніне дейін ;

- коммерциялық табылған бонус бойынша - коммерциялық табу жасалған жылдан кейінгі жылдың 10 сәуіріне дейін;" ;

1-тармақ мынадай мазмұндағы абзацтармен толықтырылсын:

бірыңғай жер салығы бойынша - Қазақстан Республикасының Мемлекеттік кіріс министрлігі белгілеген нысан бойынша есепті жылдан кейінгі жылдың 31 наурызына дейін ;

- әлеуметтік салық бойынша - ай сайын, есепті айдан кейінгі айдың 15 күнінен кешіктірмей ; " ;

мынадай мазмұндағы 2-1 тармағымен толықтырылсын:

"2-1 Әлеуметтік салық бойынша заңды тұлғаның шешімі бойынша оның филиалдары, өкілдіктері мен өзге де оқшауланған құрылымдық бөлімшелері өзінің тұрған жері бойынша аумақтық салық органына декларация бере алады және салықты өз бетімен төлеуді жүзеге асыра алады." ;

Х І б ө л і м д е :

бірінші абзац мынадай редакцияда жазылсын:

"Тауарларды (жұмыстарды, қызмет көрсетулерді) жеткізіп беруді және (немесе) тауарлар (жұмыстар, қызмет көрсетулер) үшін ақы төлеуді жүзеге асыратын салық төлеушілер салық Қызметінің талабы бойынша жеткізіп берілген тауарлардың (жұмыстардың, қызмет көрсетулердің) құны және (немесе)

Қазақстан Республикасының нормативтік құқықтық актілерімен белгіленген нысандар бойынша орындаушыға төленген сомалар туралы ақпарат беруге м і н д е т т і . " ;

үшінші абзацтағы "салық комитеті" деген сөздер "аумақтық салық органы" деген сөздермен ауыстырылсын;

Х І І І б ө л і м д е :

үшінші абзацтағы "салық қызметі органдары" деген сөздер "аумақтық салық органдары" деген сөздермен ауыстырылсын;

төртінші абзац мынадай редакцияда жазылсын:

"Салық төлеушінің банк шоттарында теңгемен қаражаты болмаған жағдайда салықтар, айыппұлдар мен өсімдер бойынша берешекті өндіріп алу, шетел валюталарына Қазақстан Республикасының Ұлттық Банкі белгілейтін теңге бағамын қолдана отырып сол шоттарға аумақтық салық органдарының инкассалық тапсырмалары (өкімдері) негізінде, Қазақстан Республикасының қолданылып жүрген заңдарында көзделген тәртіп пен шарттарда салық төлеушінің банк шоттарындағы шетел валютасындағы қаражаттардан жүргізілсін . " ;

Х Y I б ө л і м д е :

1 - т а р м а қ т а :

в) тармақшасындағы екінші абзацта "үшінші" деген сөз "оныншы" деген с ө з б е н а у ы с т ы р ы л с ы н ;

г) тармақшасында "құнды қағаздардың эмиссиясы" деген сөздерден кейін " және мемлекеттік тіркеуге жатпайтын акциялар эмиссиясының ұлттық бірегейлендіру нөмірін беру" деген сөздермен толықтырылсын;

з) тармақшасы мынадай редакцияда жазылсын:

"з) көлік құралдарына салық бойынша төлем үстідегі жылдың 1 шілдесіне дейін жүргізіледі, ал көлік құралдарын тіркеген және қайта тіркеген жағдайларда салық төлеу көлік құралдарын тіркеу және есепке алу орны бойынша аталған іс-әрекеттер жасалғанға дейін жүргізіледі. Үстідегі жылы иесінің өзгеруіне немесе Қазақстан Республикасы аумағында тұратын жерінің ауысуына байланысты көлік құралдары қайта тіркелген кезде салық екінші рет төленбейді." ;

мынадай мазмұндағы л), м) тармақшаларымен толықтырылсын:

" л) т а з а к і р і с к е с а л ы қ :

- резидент емес заңды тұлғаның тұрақты мекемесі жиынтық жылдық табыс және есепті жыл үшін жасалған шегерімдер туралы декларацияны табыс еткен күннен бастап 10 күн ішінде, бірақ есепті жылдан кейінгі жылдың 10 сәуірінен к е ш і к т і р м е й т ө л е й д і .

м) б і р ы ң ғ а й ж е р с а л ы ғ ы :

- бірыңғай жер салығы есепті жыл үшін екі мерзімде, төлемдер аумақтық салық органдарымен келісім бойынша бөліне отырып есепті жылдың 1 қазанына дейін және есепті жылдан кейінгі жылдың наурызына дейін төленеді;

Х Y I I I б ө л і м д е :

1, 2, 3, 4-тармақтар мынадай редакцияда жазылсын:

"1. Салық төлеушіден негізделген жазбаша өтініш алғаннан кейін аумақтық салық органының басшысы тиісті қаржы органының басшысымен келісім бойынша жергілікті бюджетке толық көлемінде төлеуге жататын салықты және (немесе) айыппұл санкцияларын төлеудің заңдарда белгіленген мерзімдерін бір салық жылынан асырмай ұзартуға құқылы.

М ы с а л :

Салық төлеуші мүлікке салық төлеу мерзімін 1997 жылғы 20 тамыздан 1997 жылғы 20 қарашаға дейін көшіру туралы жазбаша нысанда өтініш береді. Өтініште көрсетілген себептерді салық және қаржы органдары төлемді төлеу мерзімін ұзарту үшін негіздеген деп тапты.

Бұл ретте төлемді ұзарту кезеңі 1998 жылғы 31 желтоқсаннан кеш белгілене алмайды.

Салық төлеушінің тіркелу орны бойынша жергілікті атқарушы органның өтінішін алғаннан кейін Қазақстан Республикасының Мемлекеттік кіріс министрлігі осы тармақтың бірінші бөлігінде аталмаған салықты және (немесе) айыппұл санкцияларын төлеудің заңдарда белгіленген мерзімдерін бір салық жылынан асырмай ұзартуға құқылы.

Салықтарды және (немесе) айыппұл санкцияларын төлеудің мерзімін ұзарту тәртібін Қазақстан Республикасының Үкіметі белгілейді.

2. Салықтарды төлеу мерзімін ұзарту салық төлеушіні осы тармақтың екінші бөлігінде көзделген жағдайларды қоспағанда, бюджетке салықты уақтылы енгізбегені үшін өсім төлеуден босатпайды.

Қызметінің жалғыз түрі өндіріс, жылу тарату мен тасымалдау салаларында қызмет көрсету болып табылатын заңды тұлғаларға салықтарды және (немесе) айыппұл санкцияларын төлеудің мерзімдерін ұзарту кезінде ұзарту беру кезеңіне өсім есептелмейді.

М ы с а л :

Айталық, жоғарыда айтылған мысалдағыдай фактілер бар. Алайда, салық төлеуші ұзартудың бүкіл кезеңі ішінде есептелетін өсім төлеуден бюджетке салықты төлеу сәтіне дейін босатылмайды.

3. Төлеу көзінен ұсталған, заңды тұлғалардың кірістерінен табыс салығын төлеуге салық төлеушілерге ұзарту берілмейді.

4. Салықтарды және (немесе) айыппұл санкцияларын төлеудің мерзімін

ұзарту құқығы құқықты басқа біреуге берген кезде басқа тұлғаға берілмейді.

Мынадай мазмұндағы 4-1 тармағымен толықтырылсын:

"4-1. Салықты және (немесе) айыппұл санкцияларын төлеудің мерзімін ұзарту салық төлеуші оларды төлеу жөнінде өзінің міндеттемелерін қамтамасыз ететін кепілдік бергеннен кейін беріледі.

Салық органдары мен салық төлеушілер арасындағы кепілдік қатынастарға кепілдік туралы жалпы ережелердің заңмен реттелмеген бөлігі қолданылады.";

7-тармақтағы мысалда "аудандық инспекцияның" деген сөздер "аумақтық салық органының" деген сөздермен ауыстырылсын;

мынадай мазмұндағы 9-тармақпен толықтырылсын:

"9. Акцияларды қосымша эмиссиялау туралы сот шешімі күшіне енген күннен бастап қосымша эмиссияланған акцияларды орналастыру аяқталғанға дейін салықтар бойынша мерзімі өткен берешек сомасы бөлігінде өсім е с е п т е л м е й д і . " ;

Х Х т а р а у д а :

2 және 3-тармақтар "салық төлеушілердің банк шоттары" деген сөздерден кейін "(заңды және жеке тұлғалардың айырбас бағамының еркін айналысы режиміне көшумен байланысты теңге депозиттерін қоспағанда)" деген сөздермен толықтырылсын; ХХҮІІІ тарауда: Бесінші абзацтағы "мынадай мөлшердегі - ағымдағы төлемдер" деген сөздерден кейін "100" деген сан "50" деген санмен ауыстырылсын; ХХІХ тарауда: 1-тармақтағы "декларация берілген" деген сөздер "тексеру жүргізіледі" деген сөздермен ауыстырылсын; 1-тармақтың мысалындағы, 2, 5, 6 тармақтардағы "100" деген сандар "50" деген сандармен ауыстырылсын. Оқығандар: Омарбекова А.Т. Икебаева Ә.Ж.